

幸魯盛典

一冊

張翹漢敬贈



御製幸魯盛典序

朕惟自古帝王

翔洽風俗茂美莫不

由於崇儒重道典學

右文用能發詩書之

潤澤宣道德之聞奧  
推厥淵源皆本洙泗  
以故追崇之典歷代  
相仍或躬詣闕里脩  
謁奠之儀潔志肅容

盡誠備物其間禮數  
隨世損益至於希風  
服教百代式異世  
同揆莫之或二猗歟  
盛矣朕臨御以來垂

三十載溯危微之統  
緒念生安之聖哲恒  
慮涼薄未克祇承用  
是夙夜亶心孜孜不  
倦惟我至聖先師孔

子配天地參陰陽模  
範百王師表萬禩朕  
每研搜至道涵泳六  
經覺憲章祖述刪定  
贊脩之功日星揭而

江河流私心嚮往竊  
有願學之志焉乃者  
東巡踰泰岱涉泗沂  
遂過闕里親行釋奠  
得瞻廟貌仰聖容以

爲德盛功隆欽崇宜  
極凡厥典禮有加前  
代又親製文辭手寫  
以樹之貞石務用導  
揚至教風示來茲夫

緬懷曩哲繼躅前賢  
猶思覩其物采接其  
居處況先師遺風餘  
烈久而彌新重以朕  
之寤寐寤寐羹牆僂乎如

見及過杏壇相圃之  
間山川儼然檜楷如  
故彷彿金石絃誦之  
聲聞於千載而上流  
連往復不能自已也

衍聖公孔毓圻上疏  
陳謝且以禮儀隆重  
非直一家榮遇請脩  
幸魯盛典一書朕旣  
可其奏久之書成復

請敘言以冠其端朕  
萬幾餘晷敦勉弗遑  
實欲默契先師尊聞  
行知於以阜物誠民  
風同道一庶幾躋世

運於唐虞登治術於  
三古是書也豈徒使  
天下後世知朕於先  
師欽慕無已如此且  
愈以見聖人之道覆

壽羣倫苞毓萬象卽  
凡車服禮器之遺皆  
足令人感發而興起  
也故賜之序

康熙二十八年四月

初二日

孔子陞拾柴代孫太子少師襲封衍聖公臣孔毓圻

恭承

敕旨編刻

幸魯盛典今已成書奉

表上

進者

臣

毓圻誠惶誠恐稽首頓首

上言伏以

帝德崇儒特舉隆文於闕里

皇仁重道首頒異數乎尼山開局

命官哀洙泗希逢之典超前軼後成古今未有之書宮